

定山堂詩集

定山堂詩集卷三十五

六言絕句

十九首

閒居雜感

八首

和轅文爲雲賓

四首

疊韻四首

壽栢鄉閣老

題金叔禮像

二首

定山堂詩集卷三十五

姬嘉稽

淮南龔鼎莘孝升著

男士稹全較

弟鼎璠孝積訂

士稚

六言絕句

閒居雜感

遠志悔成小草殘生老作孤蓬借問鳴鐘邸閣何
如避世牆東

其二

團扇金風初度寒鴉日影頻移三十六宮明月有
人不怨蛾眉

其三

霄漢漸迴塵夢薜蘿未解初衣天風乘興來往不
爲鱸魚乞歸

其四

平津有掃門客中散成絕交書任卿自用卿法而
吾亦愛吾廬

其五

也知玄白難解頗著文章自娛四十爲言何物至
今飽殺侏儒

其六

無家堪栽五柳有國長名大槐三百六十日醉畫
眉不礙清齋

其七

任取黃金作埒爭誇火齊堆盤去矣無妨吾事先
生福是漁竿

其八

騷衷空聞買骨娉婷轉薄行媒莫訝介推辭祿看
人萬事心灰

和轅文爲雲賓

日出東南綺陌花明西北高樓追數冶遊年少玉
簫金管纏頭

其二

春瘦沈郎革帶夢迴張翰吳船惆悵深樽短拍心
情可似當年

其二

朱絃楊柳殘月青鏡美容曉粧相勸十千沽酒那
能八百栽桑

其四

同是右軍陶寫天邊絲竹頻聞紅燭休嫌頭白年
來看盡浮雲

疊韻四首

團扇旗亭顧曲春衣柳市登樓記否玉釵羅袖有
人宋玉牆頭

其二

花發銅坑萬樹月滿橫塘一船笑指白鷗春水與
君攜手今年

其三

拋却山城黃綬暖來燕玉紅粧偶爾麻姑撒米終
輸羅敷採桑

其四

萬事歌鐘共醉十年戰鼓愁聞花下儘拚白日人
間何處青雲

許仙鄉閣老

漢詔高年賜帛春醑渤海休兵更起進前爲壽相
公樂在蒼生

題金叔禮像

人在羲皇以上興惟丘壑之中對酒當歌足矣百
年日日春風

其二

鱗盤不數婁護驃騎長重任安此客真稱耐久儼
他世上波瀾

定山堂詩集卷三十六

七言絕句 一百七十七首

登樓曲

四首

江南憶

四首

長安寄懷

邯鄲懷古

四首

上元後一夕入直禁中

四首

秋夜省中賦懷

道

墨書荷花

定日堂詩集

目錄

卷三十六

生辰曲

時余在獄中

十首

寒甚善持君送被夜臥不成寐日山谷之自

上元詞和善持君韻二首

秋日感懷六首

題蘆鴈畫冊

題善持君畫羅襪梅花水仙

寓後隙地偶闢爲園雜蒔花樹

二首

月下把燭看櫻桃花

花朝同敬哉韞退玉叔爾唯舒章芥菴社集

秋岳齋限韻十體

烏江懷古

四首

和清瑟河干有見

祖命納姬吳陵爲賦催妝詩

七首

園居襍咏十二首

爲善持君初度和巖子四首

戲題陳靈生墨畫牡丹

心公以和秋岳偈見示漫答二絕

初夏偕善持君遊法相寺坐石浪軒筆墨閒

適看作畫蘭數枝于壁間因漫題一絕與
他日重游山中幽窻竹石吾兩人不謂生
客也

戲爲撥悶八絕

道開以像冊索題漫成二絕

閒窗偶感

十首

秋分同善持君冒雨重游天竺靈隱漫成下

號十二首

重過京口感懷同孟貞子翥作

瓜洲夜起守閘口號

六首

秋水吟

爲范文貞公歌兒作
六首

伯紫于皇相送燕子磯留連三日不忍別賦

詩紀事卽席和答十二首

新柳草堂一絕

題梵公西陵結茅圖

二首

戲爲吳郎德甫書扇

二首

口號四絕贈朱音仙

爲阮懷寧歌者

暮春同于皇園次賦白牡丹

清河道上丁繼之王公秀諸君送別卽席各

贈口號一斷句

七首

爲汪千頃題小像

二首

爲李五絃司馬悼姬人

十首

謔友人懷人詩

二首

定山堂詩集卷三十六

姪嘉稽

男士樵全較

弟鼎璚孝積訂

士稚

七言絕句一

登樓曲

曉窓染研注花名
淡掃胭脂玉案清
畫黛練裙都
不屑繡簾深處一書生

其二

定山堂詩集

七言絕句

卷三十六

芳閣詩懷待酒酬粉牋香艷殢殘箚隨風珠玉難
收拾記得題花愛竝頭

其三

彩奩勻就百花香碧玉紗厨掛錦囊淡染春螺脛
掠鬢芙蓉人是內家粧

其四

未見先愁別恨深那堪帆影度春陰湖頭細雨樓
頭笛吹入孤衾夢裏心

江南憶

銀蒜低垂月過牆金屏小睡背蘭缸春風玉枕含
嬌怨似訝遲來錦瑟傍

其二

繡句驚人思未降珊瑚筆格對雕窓團香擘玉無
人見親領明珠念八雙

其三

別袂驚持人各天春愁相訂夢中緣縷金鞦怯長
安路許夢頻來桃葉邊

其四

手剪香蘭簇鬢鴉
亭亭春瘦倚闌斜
寄聲窗外玲瓏玉
好護庭中並蒂花

長安寄懷

纔解春衫浣客塵
柳花如雪撲綸巾
閒情願趁雙飛蝶
一報朱樓夢裏人

邯鄲懷古

爭言趙女貌如花
錦瑟珠璫碧玉車
今日叢臺香粉散
淡紅裙衩罩黃沙

其二

寵下風流事已陳宮妝淪落怨芳春爲憐舉世多
所養恰稱蛾眉有幾人

其三

美人一笑態堪憐容易芙蓉菲寶釧蹙者自知風
韻減也應莫過畫樓前

其四

麻語珠樓絲管催黃梁倦眼不須開客愁消得閒
歌舞領取繁香夢一迴

上元後一夕入直禁中

太平燈鼓六街喧
閭闔晴烟玉樹翻
金殿宵衣應未輟
密封傳自小黃門

其二

團團桂魄滿雲廊
畫省春風接建章
清禁自來魚鑰迥
榻邊難任布衣藏

其三

繁香艷粉五銖裙
竟夕春光笑語分
萬里月明芳草路
玉簫還許九天聞

其四

將嫖姚未解圍
溜青將士鐵爲衣
不知何地軍
中樂一片蘆笳傍月飛

秋夜省中賦懷

暖艷寒香繡戶迴
昨宵詩思謝家才
攜將天上金
盤露灑向花間玉鏡臺

其二

傾國溫柔老是鄉
却憐襖被待明光
鴛鴦瓦上如
霜月祇覺今宵玉漏長

其三

秋砧遙送玉壺遲
辜負香衾是此時
小剪蘭膏封鈿合
退朝親爲點蛾眉

其四

綺屏紅袖護初寒
賸有冰絃語夜闌
封事經秋殊冷落
乞將筠管代花彈

其五

宮衣百濯鬢香浮
畫省人如畫閣幽
戶外玉繩低苑柳
棲鳥應報漢宮秋

其六

未央前殿月痕移團扇猶吟桃葉詩身是花間雙
蛺蝶金風吹上萬年枝

其七

玉臺淡掃遠山生當代爭傳是小名珍重近來可
喚熟珊瑚敲枕易分明

其八

天涯約夢到長安

今夜鳳凰池

畔夢依稀同作隔年看

其九

楊雄初賦已成篇清蘼芙蓉執戟邊好傍玉爐添
五夜曉窓凭几有香肩

其十

練裙閒改道人裝斗室新開貝葉堂聽鑰翻經風
露迴金門游戲總清狂

墨畫荷花

花何嫋嫋葉田田露質烟心晚自憐倩取墨光描
鬢影美人兼許號青蓮

生辰曲

一林絳雪照瓊枝天冊雲霞冠黛眉玉蕊珠叢難
位置吾家閨閣是男兒

其二

奇襟逸思湧春潮吐蕙含蘭靜若遙長倚菱花隨
意看風前鬢影福難消

其三

閒裁好句鬪丹霞碧玉奩藏錦字賒翠羽明珠驚
入掌生成解語卽名花

其四

綠紗窓几淨無塵點染秋山入練巾雙黛聯娟宜
淡掃倚風身是畫圖人

其五

博山香冷鬱金釵疏筍看經月一街繡佛應憐人
寂寞太常妻子更清齋

其六

蕭條四壁不堪愁酒債琴心自唱酬近識文君操
作苦侍臣無復鷓鴣裘

其七

九閨豺虎太縱橫請劍相看兩不平郭亮王調今
寂寞一時意氣在傾城

其八

星高魚鑰一燈寒貫索烏啼夜未闌敢望金雞犬
際卜妝樓小帖暫平安

其九

琉璃爲甕貯冰霜諫草琳瑯粉澤香笑泣牛衣兒
女態獨將慷慨對王章

其十

今日初辭神武冠明朝買棹白鷗灘五湖大有同心客
七外冥鴻天地寬

寒其善持君送被夜臥不成寐口占答之

霜落并州金剪刀美人深夜玉纖勞停針莫怨珠簾月
正爲羈臣照二毛

其二

金猊深擁繡床寒銀剪頻催夜色殘百和自將羅袖倚
餘香長繞玉闌干

上元詞和善持君韻

紫霧晴開鳳闕初五侯絃管碧油車芳閨此夢殘
燈火獨照孤臣諫獵書

其二

珠斗春濃接玉京千門萬戶月華生五陵遊冶青
絲騎誰愛荆卿擊筑聲

秋日感懷

碧瓦朱楹半劫灰曲池衰柳亂蟬哀飛虹橋外清
宵月曾照含元鳳輦迴

其二

佳麗春殘苑草荒
歲裝金鎖過斜陽
門前誰繫青驄馬
爭道新開政事堂

其三

杳恩曉日舊瞳矐
寶瑟塵生玉帳空
座上休文愁不語
金猊對數落花風

其四

萬年枝上月黃昏
鐘鼓沉沉掩涕痕
海內舊游膠漆解
故宮無復奏雲門

其五

柴車日夕蹶春沙紫鳳驕垂白鼻騮只有玉河橋
畔柳解吹飛絮入宣華

其六

小葉疎花綴石斑梳妝樓上隱烟鬟千年雲物驚
彈指又過銷魂萬歲山

題蘆鴈畫冊

好手荃熙意態生蕭蕭尺幅對秋清不知王謝珠
簾改淺水蘆花空月明

題善持君畫羅襪梅花水仙

維妃乘露水雲鄉疎影橫斜月未央林下美人迴
玉趾倚闌親寫十三行

寓後隙地偶闢爲園雜蒔花樹

薜蘿開徑野人家
棐几匡床映碧紗
小飲如移桃葉舫
春衣盡博杜陵花

其二

荒城垂柳碧初齊
小築蓬蒿自灌畦
金角玉鞭忘紫陌
春花秋草憶青溪

月下把燭看櫻桃花

三月三日春已暮二十四番花信愁一夜香風吹
玉雪碧闌干畔是江南

花朝同敬哉輶退玉叔爾唯舒章芥菴社集
秋岳齋限韻十體

垂柳重翻御苑風客懷寥落一樽同千山碧燒催
芳草漸有南天入望中

烏江懷古

夢裏興亡咽杜鵑年年廟食野堂天英雄百戰無
遺恨竟忍鴻門碎玉拳

其二

意氣相看瘞玉坡天亡不耐美人何猶憐龍準輸
人疑楚舞銷魂復楚歌

其三

蕭蕭碧樹隱紅牆古廟春沙斷客腸真霸假王誰
勝負淮陰高塚亦斜陽

其四

一增不用豈天亡傾國何當罪艷妝試看八千齊
解甲虞兮曾不負君王

和清瑟河干有見

靈鵲填津欲過河花前一笑不嗔多
流鶯輕薄能情態偷眼春風杏子羅

祖命納姬吳陵爲賦催妝詩

繡帶留仙麝粉飄天涯明月照填橋
鸛鵲裘價能多少買得春江第一簫

其二

紅潮雙纈關燕支看殺吳陵輕薄兒
只有鳳池青玉管天教長近遠山眉

其三

莖露仙盤乞一杯當筵親領麗娟回東風寒食能
催嫁不用中丞駿馬催

其四

霧鬢釵宜刻玉鸞鏡臺消得盡情看隋堤一派垂
楊路不種瓊花種合歡

其五

乘興來呼載酒舟等閒一曲殢蘇州而今掌上籠
鵲鵲夜夜梁雲遏不流

其六

晶屏蛺蝶護香酣
插架奇書許共探
自注水沉薰
小坐篋箋細寫褚河南

其七

柳絲桐雨一簾遮
生受紅蘭有碧紗
衾暖金堂驕
堦貴侍兒不許進琵琶

園居礫咏十二首

酒鑪蕭槭困文園
卜得幽居許放言
藜榻夢酣清
過午避人兼畏竹風喧

其二

漸喜胸中一事無蕭條客興擬僧孤猶嫌康樂心
差雜竟合理名却著書

其三

車騎何人載酒過小亭玄草日堪多白鷗黃鳥能
情性不到朱門到薜蘿

其四

雲霞深處有柴荆客裏圖書遶屋清看捲玉鉤臨
細字手香常似破新橙

其五

林中石磴見紅泉
玉露香凝晚閣前
洞壑漸知新月滿
水晶簾子不須懸

其六

蘋花覆雪漲芳溪
戲蝶飛蟲步步迷
柳外一聲幽磬至
畫橋南畔是招提

其七

苔封石戶橫蒼雪
峰變林端信夏雲
牧犢何人催晚笛
邊笳戰鼓不曾聞

其八

道書閒展對焚香
花事亭名細細商
叔夜已慵兼
困酒不知斜日過銀塘

其九

玉鉤風起漲紅樓
蟬翼輕羅冷似秋
幽閣債多緣
筆墨却輸小妹早梳頭

其十

虛堂客散獨依依
綺閣談深夜解圍
山鳥不知人意
嬾曉偏喚起暮催歸

十一

紛紛涼月上瑤琴細草幽泉徑
易深隋苑柳殘
樹盡蓬蒿猶識五湖心

十二

半生贈繳踏危機
弋後冥鴻萬里飛
收拾風波垂釣穩
典錢先買綠蓑衣

爲善持君初度和巖子四首

水晶簾捲萬山開
百和深籠玉鏡臺
貝葉靜翻花雨落
衆香國裏對如來

其二

一笑東華墮謫仙
玉皇香案記前緣
娜嬛奇字何年讀
咳唾都成白雪篇

其三

名山勝水度芳辰
此夕香奩韻事新
身在碧天圖畫上
半分銀月一雙人

其四

噴鼻棲遲興未殘
遠山如黛吐珠欄
生涯只愛成都酒
賣賦黃金總不看

戲題陳靈生墨畫牡丹

淡抹濃妝墨暈工
常將國色殿殘紅
玻瓈酒盡龜
年老月黑沉香苑裏風

心公以和秋岳偈見示漫答二絕

千重雲壑一枝筇
不是南峰卽北峰
昨日送春烟
水上月明誰打隔湖鐘

其二

前身詞客竟難忘
鐵壁潮迴海日光
蓮社那無文字戒
却因八斗重思王

初夏偕善持君游法相寺坐石浪軒筆墨閒
適看作畫蘭數枝于壁間因漫題一絕與
他日重游山中幽窻竹石吾兩人不謂生
客也

道人不打午時鐘石浪晴搖綠雪重寫罷湘烟同
隱几畫眉曉上最高峰

戲爲撥悶八絕

閉戶先生長五湖酒樽詩卷未全無秋雲翻訝人
情薄日日峰頭看病夫

其二

詞賦聲名晚自驕
乾坤車馬任蕭條
殷勤客禮臨
叩謬勞苦相如日往朝

其三

徹侯邸第氣如雲
倔強名從罵座聞
耳語近來尤
詭異酒中勅免灌將軍

其四

嵇康龍性本粗疎
何客能停千里車
失笑巨源籬
棘少司閤容入絕交書

其五

草堂江閣嬾相宜
花逕羣鷗盡日隨
老夫作狂夫生計
拙升床誤罵挺之兒

其六

拂袖長辭驃騎門
蒯緱生色動中原
寧逢市上諸年少
不擬人稱一飯恩

其七

他鄉病起獨登臺
鴻鵠秋生萬壑哀
北海魯連似寂寞
更無懷抱向人開

其八

落魄高陽散酒徒蓬蒿天壤一歌呼
崎嶇薄俗寒心後未覺兵戈是畏途

道開以像冊索題漫成二絕

支公海鶴瘦相看麗藻湯休興未闌
曾記虎丘春雪後老梅疎影一枝寒

其二

落木空崖昨夜風柴門想像月明中
隱居莫訝無山老庾信羅含正轉蓬

閒窓偶感

四海雲山對索居無家何地老
樵漁篋書漸入烟波事不信中朝
記憶疎

其二

他鄉林壑自相親爲報天關虎豹
眞難代江湖鳴得意雲霄却忌佳
山人

其三

養拙青霞忘歲年更無姓氏五侯
前開樽不盡飛揚色獨欠張淩上
酒船

其四

藥爐經卷伴蓬蒿
妙舞清歌送濁醪
我法敢爭卿
法勝武安門外客如毛

其五

蕭條世事臥滄浪
猶道狂奴故態狂
衆女未須讎
獨退九秋鸞鏡已如霜

其六

文園消渴倦游情
太史龍門萬里行
好事清娛兼
卓女更無文墨壘公卿

其七

五嶽相看眼自青
向平婚嫁不須經
名山正訝幽人寂
天上科條到客星

其八

投林倦翮自知還
鷁鷁難容猿鶴攀
萬事春明門裏得
只愁無策買青山

其九

一丘端合置潛夫
公等東華傲五湖
頗咎季鷹秋興淺
至今朝士怪尊鱸

其十

萬態浮雲意已馴
丹砂瑤草鍊閒身
神仙上界多官府
恐似人間擯此人

秋分同善持君冒雨重游天竺
靈隱漫成口號十二首

花時筇杖叩禪關
細雨秋鴻客未還
今日群峯能杳靄
開樓不似早春山

其二

惜別秋風萬壑生
祇林幽草晚含情
高迴碧霧集

巒隱小摘虛檐桶袖清

其三

屋角老松千尺強虬枝曲幹相撐當卽防玉斧摧
殘易不惜銀鞍風雨忙

其四

飛來峯下花芬菲飛來峯前雨細微月中桂子那
肯墮雨底遊人見卽稀

其五

一雨空濛失衆峯蜿蜒絕壁捲蒼龍樓臺想像虛

無裏回首半天何處鐘

其六

冷泉亭子石已占况逢秋雨相鮮新
次菰菱葉太無賴鷓鴣蜻蛉不避人

其七

寒雲擁樹青模糊蒼鼠翠禽向客呼
前朝僧寺世間有靈隱山門天下無

其八

龍宮寥寂鎖苔痕秋色岩巖驚嶺尊
詞客風流今

未遠江湖海日與招魂

其九

空堂石磴秋陰連哀壑無聲幽磬懸門前過雨樵
子絕卽喚柴荆清可憐

其十

萬里關河去住非千林香草碧牽衣空山靜處消
金甲回首乾坤一采薇

十一

京兆畫眉能惱人長卿酒賦不憐身鹿門人寫罷

居士攜汝香衫作道民

十二

時同禮送子大士

蕭條生事臥柴桑種秫無田也不妨他日五男能
紙筆不知誰得老夫狂

重過京口感懷同孟貞子翥作

年年秋盡片帆過風起揚舲一浩歌落日鴈鴻南
樹盡隔江車馬北音多

其二

北固樓臺接建康大江東下水湯湯英雄廣武空

餘恨意氣孫劉亦莫當

其三

帶甲乾坤生事微
河山臨眺一沾衣
渡江名士淪
亡盡獨有金焦駐落暉

其四

寄奴秋草碧連天
萬甲斬王散曉烟
誰遣江潮銷
鐵鎖似聞歌舞隘樓船

瓜洲夜起守閘口號

一夜水喧不得眠
呼燈起立寒風前
男兒奔走狗

衣食夜半倉皇亦可憐

其二

灌河秋壯百川驕
響過龍門萬里潮
急石雷霆終日鬪
橫江星斗五更搖

其三

錢塘江上看潮來
雲白山青天地迴
節短此間輸疊雪
宵虛他日失奔雷

其四

杜陵饑寒老不休
一生來往三峽頭
卽防蛟穴已

股票況有吟猿送客愁

其五

北船南舶往來通
買客漁商類轉蓬
爲謝舟航惡年少
月明橫港罷彎弓

其六

關市譏征盡有名
東南物力已全傾
暫煩少府疎籌策
閩客金錢尙阻兵

秋水吟

爲范文貞公歌兄作

烏啼楊柳白門前
一夜春鶯雜管絃
惆悵開元花

落盡亭亭秋水正當年

其二

中樞堂起白楊風丞相祠前暮草空彷彿九天
劍在豈知兒女卽英雄

其三

歌舞曾將半壁消空江流水送南朝可憐人
昏月不及東風柳一條

其四

宛轉花開相府蓮春風一笑自嫣然吳橋應有招

魂曲莫唱江東燕子牋

其五

內苑花殘太液波無人宣索念奴歌江南一曲腸
俱斷惟有何戡淚點多

其六

玉舄珠璫起暮塵舞裙歌板自憐身羊曇醉後春

蕭索青眼看君有幾人

于皇有九原此夕憑誰報
秋水千秋已解歌之句

伯紫于皇相送燕子磯流連三日不忍別賦

詩紀事卽席和答十二首

酒慢河橋雪乍晴行人嬾似送人行春潮不及離
愁遠燕子磯頭江水平

其二

生涯自分老漁磯一出空林伴侶稀別後憑高須
極望冥鴻終向北山飛

其三

渺渺風波不可行蕭蕭樽酒當班荆斷魂去住爭
今夕何限寒江欲暮情

其四

開徑真憐二仲稀
蓬蒿春遠夢相依
烏衣南畔青
青柳應訝征人不共歸

其五

一曲驪歌自損神
牽衣不厭石尤頻
却愁月暗孤
蓬夜纔隔青山是遠人

其六

石上高歌春酒寒
別離風雨暫爲歡
他時人系加
餐飯得似江頭惆悵難

其七

梅花驛路冷成行
春色能忘旅鬢蒼
好友參差兄弟散

舍弟亦別于江上

始知今日是他鄉

其八

青春結伴似還山
沙鳥晴波竟日閒
一局松風甞睡後
悵離重覺在人間

時小憩僧寮

其九

輕帆興盡是東遊
千里春陰起石頭
烟月預愁人寂寂
莫將燈火憶揚州

其十

建康終古號龍盤萬仞鍾山帶雪看正愛好風薇
蕨長不知何事去長干

十一

臺城春草夕陽多桃葉含情水碧波從此城南更
城北無人能奈月明何

于皇家城北
伯紫家城南

十二

海月樓前霜滿池中林堂外柳如絲煩君寄語烟

霞客腸斷何梁贈客詩

與治玉式諸
子詩未答也

新柳草堂一絕

垂楊垂柳古堤頭三月烟花繞玉鈎誰記靈和前
殿事一春青眼十分愁

題梵公西陵結茅圖

芒鞋曾踏兩高行碧草青霞繫客情入寺焙茶人
寂寂南屏山外有啼鶯

其二

西陵佳處在深山一臥松筠長道顏他日短筇投
老地千峰相約閉柴關

戲爲吳郎德甫書扇

茱萸溝水月明時紫燕聲翻羯鼓遲誰向名花歌
一曲東風張緒柳如絲

其二

眼橫秋水憐來去手拂朱絃歎再三最愛周郎能
顧曲啼鶯一夜到江南

將爲元亮
渡江也

口號四絕贈朱音仙

爲阮懷
寧歌者

江左曾傳秋水篇揚州烟月更堪憐難呼百子山
樵客重聽花前燕子牋

其二

當筵妙舞復清歌自愛腰身稱綺羅醉後莫談天
寶事新翻樂府已無多

其三

急管清箏度夜分落花聲裏幾回聞東風欲別能
惆悵吹送春江一片雲

其四

萬甲樓船仗水犀一軍鶯燕散前溪難聞擁髻消
魂語戰壘蒼茫落日低

音仙會供事軍中
談江上情形甚悉

暮春同于皇園大賦白牡丹

笙歌吹徹百花叢人立瑤臺送晚風國色應憐青
帝改玉盤焦悴月明中

清河道上丁繼之王公秀諸君送別卽席各
贈口號一斷句

半生學道半游仙老去歡場似少年歸到秦淮烟
水上兩行紅袖拂朱絃

其二

江左曾傳季諾名布衣談笑動公卿尊前絲竹堪
娛老誰信嵇康玩世情

其三

一曲新歌喚奈何
瑯琊情向別離多
十年垂柳樓
烏夜親見雙星渡絳河

其四

擊筑調箏一座春
步虛玉骨總嶙峋
何緣解得狂
夫意兒女英雄盡此人

其五

桃根烟雨木蘭舟
年少烏衣似莫愁
庭樹一聲花落盡
不教金粉艷朱樓

其六

長河沙草悵離群
入座歌呼愛此君
若使夢中能識路
開樽先憶沈休文

其七

三年尊酒草堂開
此夕重傾河上杯
賴有朱家能結客
釣臺千古不塵埃

爲汪千頃題小像

人傳好句比琅玕
莫遣風塵上鶚冠
歸去與君同噫几
千峰烟月盡情看

其二

太平詞客盛長楊
招隱今憐叢桂荒
却軌閉門聊玩世
林宗墊角幼安床

爲李五紘司馬悼姬人

箜篌猶繫鳳凰裙
玉掌琉璃七已分
羅幕繁霜清怨急
月中花語不堪聞

其二

玉華簾冷碧雲秋
七寶香凝翡翠樓
腸斷金風天外度
年年銀漢泣牽牛

其三

洞簫清響玉欄干
春露春風綠綺寒
心似合歡金百結
飛鴻長向淚中看

其四

芳室蘅蕪綠佩輕
紫烟湘霧隱傾城
誰歌落葉哀蟬曲
一夜龍膏照不明

其五

百花香裏夜攤書
小婢雲鬟插玉梳
謝女詩篇班女扇
一壺秋水浸蟾蜍

其六

瓊樓珠室五雲車絳雪輕籠萼綠華自是鄴侯仙
骨重返魂香已屬名花

其七

藕絲微覩五銖紅鳳屨凌波掌上工賦就維神難
彷彿水晶屏擁白芙蓉

其八

博山翠幄護真真巫峽春風畫裏身一代紅顏憐
小玉尙書今是有情人

其九

記歌紅豆隔琉璃
筵絳樹鶯啼四十絃
爭憶彩雲翻
子夜兩行珠履拜神仙

其十

銷魂扶病理
朱絲騎省香多遺
挂知一自廣陵清
調絕蛾眉千載哭鍾期

謔友人懷人詩

笑入旗亭識姓名
酒闌心事上銀箏
殷勤燕子樓
頭月肯照天涯第一聲

其二

山海相期枕畔言
鏡中真似記啼痕
不知杜牧揚州日
十載曾消幾夜魂